



Lugo, a 13 de febreiro de 2012.- Desde ADEGA sumámonos á petición dos veciños e veciñas de Cereixido, do concello de Cervantes, que reclaman ás autoridades que se restaure a súa Igrexa parroquial, cuxo estado de conservación é lamentable e mesmo existe risco de desprendemento dalgún dos seus altares, o que podería poñer en perigo a seguridade dos fregueses. Por iso vimos de presentar un escrito ante Consellaría de Cultura, e nomeadamente á Dirección Xeral de Patrimonio Cultural, facendo formal a nosa petición. ADEGA coñeceu as reclamas dos veciños o pasado 29 de xaneiro, durante a realización dun roteiro polas montañas de Cervantes, inspirado na lenda popular da Cerva Branca. Á nosa chegada a Cereixido visitamos a Igrexa, converténdonos en testemuñas directas do mal estado de conservación no que se atopa, pese ao seu grande valor patrimonial.



Esta igrexa, pertencente noutros tempos ao Arciprestazgo de Cervantes e ao Mosteiro Cisterciense de Santiago de Cereixido, é un conxunto do século XVI, con arcos de medio punto e policromada no seu interior. Os retablos son tamén dese século, así como o altar maior de marcado estilo renacentista. Outros altares, xa datados no s. XVIII, están en serio perigo de derrubo e as cores das paredes policromadas estanse a esvaecer, sendo difícil identificar o detalle dos motivos.

